

SAVEZ KLIZAČKIH SPORTOVA BOSNE I HERCEGOVINE

POSLOVNIK O RADU UPRAVNOG ODBORA

Sarajevo, 16.06.2011.

Član 1.

Na osnovu Člana 25. Statuta Saveza klizačkih sportova BiH (Savez), Upravni odbor donosi Poslovnik o radu Upravnog odbora kojim se uređuje način sazivanja, rada i odlučivanja na sjednicama Upravnog odbora.

Član 2.

Sve odredbe ovog Poslovnika proizlaze iz odredaba Statuta. U slučaju nejasnoće, mjerodavna je namjera sadržana u dotičnoj odredbi Statuta. U svom radu Upravni odbor dužan je slijediti ciljeve zacrtane u Statutu.

Član 3.

Prema Članu 21. Statuta broj članova Upravnog odbora je 5 i to: Predsjednik, dva potpredsjednika i dva člana. Predsjednik i potpredsjednici Skupštine su istovremeno predsjednik i potpredsjednici Upravnog odbora Saveza.

Član 4.

Predsjednik Upravnog odbora odgovoran je za poštivanje i primjenu Statuta i:

- predstavlja i zastupa Savez zajedno sa potpredsjednicima;
- saziva sjednice Upravnog odbora, predsjedava sjednicama i stara se o izvršenju odluka iz nadležnosti Upravnog odbora;
- obavještava javnost o radu Saveza;
- stara se o zakonitosti rada udruženja i
- obavlja i druge poslove za koje je ovlašten Statutom ili koje mu povjeri Skupština Saveza.

Predsjednik upravlja svim aktivnostima Saveza i odgovoran je za provođenje usvojenih programa i planova.

U hitnim slučajevima predsjednik ima pravo da donosi odluke u ime Upravnog odbora Saveza.

Odluke donesene u hitnim slučajevima su privremenog karaktera i trebaju biti potvrđene na prvoj narednoj sjednici Upravnog odbora Saveza.

U slučaju privremene spriječenosti ili odsutnosti predsjednik svoja prava može prenijeti na potpredsjednika Upravnog odbora Saveza.

U slučaju potpune spriječenosti ili odsutnosti predsjednika da obavlja svoje dužnosti, prava i obaveze preuzima potpredsjednik.

Član 5.

Upravni odbor Saveza je izvršni organa Skupštine Saveza i njoj odgovara za svoj rad. Upravni odbor se sastaje po potrebi, najmanje jednom u dva mjeseca.

Član 6.

Upravni odbor može odlučivati ako je prisutno više od polovine članova.
Odluke na sjednici Upravnog odbora se donose prostom većinom glasova prisutnih članova Upravnog odbora.

Član 7.

Ako članovi Upravnog odbora smatraju potrebnim, tok sjednice Upravnog odbora može biti zabilježen u zapisniku.

Ako postoji, zapisnik mora biti uredno protokolisan sa datumom i brojem.

Ako su na sastanku donesene Odluke i/ili Zaključci, isti moraju biti uredno protokolisani sa datumom i brojem.

Član 8.

U slučaju da, zbog međusobne udaljenosti članova Upravnog odbora, nije moguće održati sjednicu Upravnog odbora, Predsjednik može donositi punovažne odluke uz prethodno dobijanje usmene saglasnosti više od polovine članova Upravnog odbora.

Član 9.

Članovi Upravnog odbora osim što na sjednicama raspravljaju o aktuelnim zadacima i temama te glasanjem učestvuju u donošenju odluka, mogu dobiti zaduženja. Obavezni su da aktivno izvršavaju preuzete zadatke i čuvaju poslovnu tajnu.

Član 10.

Stručne i administrativne poslove Saveza obavlja Generalni sekretar Saveza, kojeg bira i postavlja Upravni odbor Saveza.

Generalni sekretar izvršava sve odluke organa Saveza i zadužen je za rad Saveza, za odnose sa organima i članovima Saveza, klubovima i asocijacijama koje su učlanjene u Savez, kao i za odnose sa trećim licima i ISU, te je zadužen za koordinaciju rada radnih tijela i komisija Upravnog odbora Saveza u skladu sa Statutom.

Član 11.

Radi bržeg, kvalitetnijeg i efikasnijeg obavljanja poslova iz svojenadležnosti Upravni odbor Saveza može formirati komisije i druga tijela u skladu sa Statutom.

Predsjednik
Zikrija Đonko